



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Antonii Svcqvet E Societate Iesv Via Vitæ Æternæ**

**Sucquet, Antoine**

**Antverpiae, 1630**

Cap. 3. de gratiarum actione

[urn:nbn:de:hbz:466:1-54856](https://nbn-resolving.org/urn:nbn:de:hbz:466:1-54856)

## CAPVT III.

*Exercitium de gratiarum actione.*

SVPERIORI capite habes de perfectionis studio adhortamenta, & exercitia. Nunc verò subjiciam aliqua quatuor, quibus ad profectum iudicio Sanctorum iuvare poteris. Primum inter hæc locum obtinet gratiarum actio, sicut enim ingratitude fontem obstruit gratiarum, ita gratiarum actio eam nobis copiosorem facit, & uberius eum in nos derivat.

PRÆLVDIVM I. Constitue te in conspectu Dei, & curiæ illius: magnoque desiderio, verecundè tamen, accede ad choros Sanctorum Deum laudantium.

PRÆLVDIVM II. Pete à Domino, ut det tibi gratiam, ut gratias agere possis; à curiâ verò illius, ut tuas laudes suis conjungi non dedignentur.

PVNCTVM I. Considera primò quid sit homo, quòd Dominus ejus sit memor, & quid tu sis. Secundò, quis quantumque Deus, qui nobis tot tantaque confert bona. Tertiò, quomodo omnia, quæ in cælo & in terrâ sunt, dona sint Dei, & quanto affectu ea dederit, quàm sincero: omnia enim non propter semetipsum fecit, sed pro te, ô homo. Quartò, quid pro eo petat, unam scilicet gratitudinem. Quintò, quàm indignum undique tot beneficiis obrui, & usque in delicias amari, & ingratum esse; neque hoc tantum, sed pro beneficiis & bonis retribuere mala. Sextò, attende nihil esse quod ita hominibus displiceat, atque eos de quibus benè meriti sunt ingratos experiri, ut vulgò dicatur: Ingrato homine terra nil pejus creat. uti verò hominibus, ita Deo. Audi Bernardum: Ingratitudo, ait, inimica est animæ, exinanitio meritorum, virtutum dispersio, beneficiorum perditio. Ingratitudo ventus urens, siccans sibi fontem pietatis, rorem misericordiæ, fluentia gratiæ. Ergo in viâ virtutis & progressu, hanc studiosissimè

*Ingratitudo  
hominis de-  
testanda.*

*Serm. 51. de  
Caris.*

cave, & detestare. Etsi enim nunquam non Dei gratiâ humiliter imploranda sit, tamen quia vel maximè initio conversionis & profectus gratia Dei necessaria est, ne quis respiciat retrò, hæc gratitudine seruanda & augenda est.

*Hæcine firmâ fide credo, ut sup. pag. 8.*

*Pro quibus agenda gratia.*

**PVNCTVM II.** Considera pro quibus beneficiis gratias agere debeas, nempe Primò, pro iis quæ Capiti & Patri nostro Christo JESV, humanitati ejus collata. Secundò, B. Virgini Matri nostræ. Tertiò, Angelis quos ad custodiam nostram dignatur Dominus deputare. Quartò, Sanctos quos Patronos nostros esse vult & duces in viâ. Quintò, justis. Sextò, peccatoribus. Septimò, Ecclesiæ toti. Octavò, tibi.

*Quæ beneficia concessa humanitati Christi.*

Secundò, percurrere potissima beneficia illis, tibi que collata, & pro illis gratias age, pro donis Christi Domini nostri humanitati concessis, Primò, quòd conjuncta sit verbo divino; Secundò, caput sit Angelorum & hominum; sit que Tertiò, in eo omnis plenitudo gratiæ, sapientiæ, scientiæ & sanctitatis,

*Credo tibi, &c. ut sup. pag. 7.*

*Quæ B. Virgini.*

Secundò, pro iis quæ concessa B. Virgini, quòd mater sit Dei; Secundò, absque macula ullius peccati; Tertiò, donata gratiâ maximâ; Quartò, maximâ gloriâ super omnes Sanctos, & Angelos Dei exaltata.

*Quæ Angelis.*

Tertiò, pro iis quæ concessa Angelis, pro eorum creatione, electione, & perseverantiâ, gloriâ, & officii dignitate.

*Quæ sanctis.*

Quartò, gratias age ob beneficia Sanctis collata, quòd ad perfectionem eos vocârît; Secundò, tot virtutibus ornârît; Tertiò miraculis honorârît; Quartò, gloriâ cumulârît; Quintò denique, quòd eorum intercessione plurima concesserit.

*Quæ justis.*

Quintò, gratias pro iis age, quæ justis largitur, siquidem sustinet eorum imperfectiones, purgat, illuminat scientiâ, accendit charitate, à malo retrahit, & tribulationibus

tionibus eripit, & felicem mortem concedit.

Sextò, gratias age pro peccatoribus; Primò, quia eos *Qua peccatoribus,* sustinet; Secundò, vocat eos benignè ad gratiam; Tertio, largitur temporalia; Quarto, in morte salutem donat.

Septimò, pro beneficiis collatis in Ecclesiam, quòd *Qua Eccle-* ea Christum habeat pro capite & sponso; Secundò, à *sia.* Spiritu sancto gubernetur; Tertio, sola certam & veram habeat doctrinam; Quarto, Sacramenta; Quintò, jucundam Ordinum varietatem. Post singula hæc capita recitare potest Canticum, *Benedicite omnia opera, &c.*

Octavò, pro beneficiis tibi similiter, quasi soli concessis gratias age; pro beneficio creationis, naturæ, fortunæ, & maximè incarnationis, redemptionis, & dono gratiæ, fidei, spei & charitatis, orationis, &c. quòd Angelum custodiæ tuæ Deus deputarit; Angelis enim *Series beneficiorum in singulos termines.* suis mandavit de te, ne fortè offendas ad lapidem pedem tuum. neque tantùm dedit tibi, & hominibus singulis; sed & Provinciis, Religionibus, Collegiis, Prælati, ut illi nos gubernent secundùm suam sanctissimam voluntatem. Expende valdè, Primò, gratiam Baptismi, pœnitentiæ & vocationis; Secundò, quàm multi perierint, te salvo, priusquàm ad Baptisimum venirent, quàm multi post illum à pœnitentia subitâ morte exclusi. Attende etiam quàm multa adversa sint in hoc mundo, & quot occasiones operum misericordiæ, & tot videbis, quot miseris benignissimus Deus te liberarit. Tertio, invita omnes Angelos sanctos, & omnes denique creaturas, ut tecum laudent Deum pro immensis beneficiis, quæ immerenti præstat. Quarto, offer illi cor tuum, & omnes actiones, verba & opera gratissimo animo. *Psal. 99.*

*Benedicite omnia opera, &c. vel Hæcine firmâ fide credo, ut* sup. pag. 8.

PARS II. Considera quantas gratias Deo pro dono orationis agere debeas. Siquidem per orationem omnia *Qua beneficia continentur in*

*don. ora-  
tionis.*

*Exod. 32.*

*Matth. 18.*

*4. Reg. 14.*

*Liberalitas  
Dei & ho-  
minum in-  
gratitudo.*

*Matth. 7.*

nia ad nos dona derivari voluit: neque tamē oratione nostrā indiget Deus, sed eam ad multiplicem utilitatem convertit. Oratio enim, ut ait D. Bonaventura, non est causa beneficentiæ ejus, sed via, ut etiam si non propter illam, tamen sine illâ nostri, non misereatur. Secundò, quòd per eam liceat cum Deo colloqui, & quoties libet, ad thronum tantæ majestatis admitti. Tertiò, propter effectus orationis. Primò enim iram Dei placat. Oravit Moyses, ait Scriptura, Dominum, & placatus est. Secundò, impetrat peccatorum veniam juxta illud; Omne debitum dimisi tibi quia rogasti me. Tertiò, à periculis liberat, & malis, ut patet in Ezechiâ, qui Senacherib oratione fugavit, & delevit. Quartò denique omnia impetrat corporalia & spiritualia: quid ergo utilius? *Hæcine vera*, ut sup. pag. 7.

PARS III. Considera, quanta sit liberalitas Dei erga nos, qui tam facilè, unico sæpè verbo rogantibus nobis tanta concedit, ut patet in plurimis Sanctis; & quàm ingratum illi, quòd sæpè non libeat gratias agere, & exercitia pietatis obire, & cum eo loqui, id est, orationem debitè facere, & ad perfectionem ire: vide quàm amanter invitet ipse dicens: Omnis qui petit accipit, qui quærit invenit, & pulsanti aperietur. Secundò, quanta benignitas ejus, quòd tales, tam distractas orationes etiam non refugiat ipse Deus optimus maximus. Tertiò, quòd pro suâ paternâ curâ nobis deneget, quæ noxia judicaverit, & in tempore opportuno exaudiat. An enim fallere potest qui dixit: Omnis qui petit, accipit; & qui quærit, invenit; & pulsanti aperietur? Imò benignissimè addit dicens: Quis est ex vobis homo, quem si petierit filius suus panem, nunquid lapidem porriget ei? aut si piscem petierit, numquid serpentem porriget ei? si ergo vos, cum sitis mali, nostis bona dare filiis vestris; quanto magis Pater vester, qui in cælis est, dabit bona petentibus se?

*Credo tibi, ô aeterna veritas*, ut sup. pag. 7.

Canticum

## Canticum IESV filii Sirach.

CONFITEBOR tibi Domine rex, & collaudabo te Deum Eccli. 51.  
 salvatorem meum. Confitebor nomini tuo: quoniam adju-  
 tor & protector factus es mihi, & liberaſti corpus meum à perdi-  
 tione, à laqueo lingua iniqua, & à labiis operantium mendaciū,  
 & in conſpectu aſtantium factus es mihi adiutor. Et liberaſti me  
 ſecundum multitudinem miſericordia nominis tui à rugientibus  
 preparatis ad eſcam, de manibus querentium animam meam,  
 & de portis tribulationum qua circumdederunt me: à preſſurâ  
 flammae qua circumdedit me, & in medio ignis non ſum aſtua-  
 tus: de altitudine ventris inferi, & à lingua coinquinatâ, & à  
 verbo mendacii, & à rege iniquo, & à lingua injuſtâ. Laudabit  
 uſque ad mortem anima mea Dominum, & vita mea appropin-  
 quans erat in inferno deorſum. Circumdederunt me undique, &  
 non erat qui adjuvaret. Reſpiciens eram ad adiutorium homi-  
 num, & non erat. Memoratus ſum miſericordia tua Domine, &  
 operationis tuae, qua à ſaculo ſunt: quoniam eruis ſuſtinentes te  
 Domine, & liberaſ eos de manibus gentium. Exaltaſti ſuper ter-  
 ram habitationem meam, & pro morte deſtente deprecatus  
 ſum. In vocavi Dominum patrem Domini mei, ut non derelin-  
 quat me in die tribulationis meae, & in tempore ſuperborum ſine  
 adiutorio. Laudabo nomen tuum aſſidue, & collaudabo illud in  
 confeſſione, & exaudita eſt oratio mea. Et liberaſti me de perdi-  
 tione, & eripuiſti me de tempore iniquo. Propterea confitebor, &  
 laudem dicam tibi, & benedicam nomini Domini.

*Praxis ad gratias Deo datori agendas.*

PRIMA. Præter eas, quas variis locis habes, ea eſſe poterit, Catalogum  
 ſcripto colligere Dei in te beneficia particularia, eaque ver- fac benefi-  
 bis affectu plenis deſcribere, atque ita Davidem & Prophetas ciorum, ſin-  
 imitari, quibus ſolemne erat, poſt acceptum aliquod benefi- gularium  
 cium ſingularare, de eo carmen ac canticum componere. Diſce, Bernard.  
 ait Bernardus, in referendo gratiam non eſſe tardus aut ſegnus,  
 diſce ad ſingula dona gratias agere, diligenter considera, qua  
 tibi apponuntur, ut nulla Dei dona debitâ gratiarum actio-  
 ne fruſtrentur. Etſi autem gratitudo magis operibus, quàm

verbis sit ostendenda, tamen gratissimum Deo, si ob beneficia eum sapè laudemus, eaque meditemur. In singulis verò consideranda sunt quinque; Primò infinita dignitas largitoris; Secundò, infinita charitas; Tertio, beneficii excellentia; Quarto, vilitas abjectioque nostra; Quintò, infinita Dei liberalitas.

*In singulis  
Dei beneficii  
quinque  
observanda.*

*Genes. 28.  
Quo pacto  
grati Deo  
esse possimus*

Utque gratiæ ritè agantur, rogandi beati illi spiritus; ut, quia satis dignas agere gratias non possumus, nos juvare dignentur. Deinde omnes creaturæ invitandæ, muneraque vicissim offerenda: Primum est, Dominum pro tuo Deo ac Domino agnoscere, ut Jacob: Si, inquit, fuerit Deus mecum, & custodierit me in viâ per quam ego ambulo; erit mihi Dominus in Deum. Quò pertinet, facere decretum, numquam sibi aliquid tribuendi, cum illi omnia oporteat, qui in omnibus omnia operatur. Secundum, statuere Deo gratis, & non tui commodi causâ, servire. Tertium, offerre ei omnia opera tua, labores, & te totum, ad omnia, quæ sapientiæ illius æternæ, & paternæ providentiæ visa fuerint, prospera & adversa. Sic præcinit regius Propheta dicens: Quid retribuam Domino pro omnibus, quæ retribuit mihi? Calicem, ait, salutaris accipiam, (et si amatum) & nomen Domini invocabo. Vota mea Domino reddâ, (etiam cum ipsâ vitâ) quia preciosa in conspectu Domini, mors Sanctorum ejus: quia scilicet sibi, & mundo moriuntur.

*Psalms. 115.*

*Pro graviorum  
peccatorum  
remissione  
agende gratia.  
Pro accepto  
à Deo beneficio,  
proximo  
aliquod  
reddendum.  
Prov. 11.*

Secunda. Quemadmodum verò recogitamus annos præteritos in amaritudine animæ nostræ, ita pro graviorum peccatorum remissione, quorum servitute durâ liberati sumus, gratias agere oportet, & pro infinitâ bonitate Dei erga nos, simul conteri de malitiâ nostrâ: ac exultare in Domino, quia justitia ejus & pax osculatæ sunt, veritas & misericordia obviaverunt sibi. Immo aliquod opus pium, quasi in compensationem, & gratiarum actionem Domino retribuere convenit.


Tertia. Quoties aliquod à Deo beneficium accepimus, quia retribuere ei nihil possumus, proximo in eodem genere, siquidem id fieri potest, conferamus. Ideò decimas omnium, quæ possidebant Israëlita, sibi Dominus tribui volebat, & primogenita consecrari. Imitare, & anima tua, quæ benedicit, impinguabitur. Ad locum enim, unde exeunt flumina gratiarum, revertuntur ut iterum fluant.

*Dignatum es, &c. ut sup. pag. 10.*

JACY







xxvii

*per legem*

## JACVLATORIÆ,

**C**VM Deo tam sit accepta gratitudo, viri sancti ac Prophe-  
tæ nullâ in re magis, quam gratiarum actione se exercuisse  
videntur; hinc totis panè psalmis hoc unum David agit:  
accipe tamen aliquot versiculos tam sancto gratitudinis exer-  
cizio accommodatos.

*Sit nomen Domini benedictum in sacula: ante solem permanet* Psalm. 71.  
*nomen ejus.*

*Magnificate Dominum mecum & exaltemus nomen ejus in id-* Psalm. 33.  
*ipsum.*

*Repletur os meum laude, ut cantem gloriam tuam, totâ die ma-* Psalm. 70.  
*gnitudinem tuam.*

SEXTÆ IMAGINIS  
ANNOTATIO.

Examina defectus tuos; & vitio excin-  
dendo, ac virtuti plantandæ incumbe.

**T**Vam sapè, qui perfectioni studes, **A** excute  
conscientiam, ab eaq; **B** rationem exige co-  
ram **C** Christo iudice. pone tibi ob oculos **D** Dei  
præcepta, **E** regulasq; tuas. vide ut te **F** demon ac-  
cusset, quamq; parum **G** boni egeris; proculca **H**  
peccatum, & quemadmodum id fugias vide: mox  
deinde infelicem peccati **I** arborem, cujus fructus  
mors est, excinde sancto ac firmo proposito, &  
novam **K** virtutem infere. Tum **L** oppugna **M**  
vitium illud peculiari curâ & examine, illud in-  
quam vitium quod te præcipuè in **N** decalogi, **O**  
regularumq; tuarum observatione, id est in viâ  
Dei retardat. Invigila in omnem victoriæ **P** occa-  
sionem, & adverte primum virtutis gradum esse  
molestissimum, secundum faciliorem, tertium fa-  
cillimum.

M 5

C A.